



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

LXVIII. Deputatio Officialium Ecclesiæ Cæsaraugustanæ laicali auctoritate  
facta annullatur.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Dat. 3. Oct. 1674. An. 5.

& sufficienter expressis, & insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ac plenissime derogatum esse volumus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 3. Octobris 1674. Pontificatus nostri Anno Quinto.

I. G. Slusius.

Reg. in Secretaria Brevium in lib. 5. diversorum fol. 235.

LXVIII.

Declaratio nullitatis deputationis Officialium Metropolitanarum Ecclesiarum Casaraugustanae Sede Archiepiscopali vacante laicali auctoritate facta, & inde secutorum &c.

CLEMENS PAPA X.

Ad futuram rei memoriam.

Exordium.

Romanus Pontifex in sublimi Apostolicae Sedis specula cum potestatis plenitudine à Domino constitutus, sua, & Apostolicae Sedis, inferiorumque Ecclesiarum jura ex commissi sibi caelitus pastoralis muneris debito facta tueri, ac si quando ea temerariis quorumcumque praesertim laicorum, quos in rebus Ecclesiasticis obsequendi manet necessitas, non auctoritas imperandi, ausibus, violata esse novit ab eiusmodi violationibus asserere studet; sicut divinitus concessa Ecclesiae libertas, atque animarum pericula postulant, ac locorum, temporum, & Personarum qualitatibus maturae considerationis trutinam perpensis, aequitati, & Justitiae, rectoque ordini consentaneum esse in Domino arbitratur.

Judex laicus vacante Sede Metropol. deputat Vicarium Capitularem, & Officiales.

§. 1. Ad nostri siquidem Apostolatus notitiam, non sine gravi animi nostri molestia pervenit, quod alias occasione controversiarum, quae super Cathedralitate inter Capitula, & Canonicos Metropolitanarum Ecclesiarum Sanctae Mariae de Columna vulgariter del Pilar nuncupatae, & Sancti Salvatoris Civitatis Casaraugustanae tunc pendebant indecise, Curia, Judices Justitiae nuncupati, vel Audientia Regia Regni Aragoniae, earumque respective Ministri Jurisdictionem Ecclesiasticam, & spiritualem, & alia jura Ecclesiastica, & spiritualia Capitulis, & Canonicis praedictis competentia sub sequestro, sive (ut illic dicunt) sub apprehensione ponere, & nuper Ecclesia Metropolitana Casaraugustana per obitum bo. me. ultimi illius Archiepiscopi solatio Pastoris destituta in vim asertae apprehensionis hujusmodi, manum in messem alienam temere mittentes, propriaeque conscientiae, & animarum suarum salutis, nec non malorum, & calamitatum, quibus Divina Justitia ejusmodi libertatis, & jurisdictionis Ecclesiae violatores, & Invasores saepe ulta est, immemores, Doctorem Michaellem Martam Gomez, & Mendoza in Vicarium Capitularem Civitatis, & Diocesis Casaraugustanae ad effectum ibidem exercendi jurisdictionem Ordinariam in prima instantia, & Metropolitanam in gradu appellationis, ac Doctorem Josephum Peralta, in Officialem majorem, & Judicem Metropolitanarum praedictarum Civitatis, & Diocesis, ac Provinciae Casaraugustanae, necnon Doctorem Ignatium Cipres in Officialem Casarum piarum, & Judicem Decimarum, & Primitiarum, durante Sedis Archiepiscopalis Casaraugustanae vacatione, alioque forsan Officiales ad exercendam jurisdictionem Ecclesiasticam, & spiritualem hujusmodi nominare, & deputare temerario, detestabilique ausu praesumpserunt, & alias prout in ipsa-

rum Curiae, vel Regiae Audientiae, earumque respective Ministrorum literis desuper emanatis, quarum tenores non approbandi, sed omnino reprobandi animo, praesentibus pro plene, & sufficienter expressis, & insertis haberi volumus plenius dicitur contineri. Et subinde Michael, & Josephus, ac Ignatius, alique forsan nulliter, & de facto nominati, & deputati praedicti praetextu nominationis, & deputationis hujusmodi, eandem jurisdictionem Ecclesiasticam, & spiritualem haecenus exercere damnabiliter ausi sunt, & audent de praesenti.

§. 2. Cum autem ejusmodi execrabilis, & per Sacros Canones, & Conciliorum generalium Decreta, Apostolicasque sanctiones sub anathemate saepius damnata, atque scandalosa temeritate libertatem Ecclesiasticam Dei Ordinatione, & Canonicis Sanctionibus constituta manifeste laeserit, & violaverit, ac laedar, & violet, animasque pretioso Salvatoris, & Domini Nostri Jesu Christi Sanguine redemptas in gravissima pericula conjecerit, & deplorandis malis involvere pergat:

§. 3. Hinc est, quod nos, qui libertatis, & Immunitatis, ac jurisdictionis, aliorumque jurium Ecclesiasticorum Assertores in terris à Domino constituti sumus, omniumque Ecclesiarum, & Christianissimorum curam, & sollicitudinem superna dispositione gerimus, ac proinde tam horrendum saecularis potestatis abusum nullatenus sub dissimulatione transire possumus, Ecclesiae praedictae Casaraugustanae jura facta recta, atque illibata tueri, & conservare, necnon Animarum periculis quantum nobis ex alto conceditur, occurrere cupientes, ac omnium, & singulorum in praemissis tam à Curia Justitiae nuncupati, & Regia Audientia, earumque respective Ministris praedictis, aliisque Magistratibus, Judicibus, & Tribunalibus laicis quibuscumque, quam à memoratis Michaelle, ac Josepho, & Ignatio, aliisque forsan quibuscumque laicali auctoritate, ut praefertur, nominatis, & deputatis, seu alios quoscumque eorum respective nomine in iisdem praemissis quomodolibet actorum, & gestorum seriem, Causas, & occasiones, aliave quaelibet etiam specificam, & individuum mentionem, & expressionem requirementia praesentibus ibidem pro plene, & sufficienter expressis, ac exactissime, & accuratissime specificatis habentes, Motu proprio, ac ex certa scientia, & matura deliberatione nostris, deque Apostolica potestatis plenitudine, nominationem, & deputationem praedictorum Michaelis Martae Gomez, & Mendoza in Vicarium Capitularem, ac Josephi Peralta in Officialem Majorem, & Judicem Metropolitanarum, necnon Ignatii Cipres in Officialem Casarum piarum, & Judicem Decimarum, & Primitiarum hujusmodi, & aliorum quorumcumque ad exercendam jurisdictionem Ecclesiasticam, & spiritualem, durante dictae Ecclesiae Casaraugustanae vacatione, à Curia, & Regia Audientia, earumque respective Ministris, seu aliis Magistratibus, Judicibus, & Tribunalibus laicalibus quibuslibet, ut praefertur, aliaque omnia, & singula tam à Curia, & Regia Audientia, earumque Ministris, seu aliis Magistratibus, Judicibus, & Tribunalibus laicalibus hujusmodi, quam à Michaelle, Josepho, & Ignatio, aliisque quibuslibet nominatis, seu deputatis praedictis, vel eorum aliquo, seu eorum, aut alicujus eorum respective jussu, mandato, vel nomine ab aliis quibuscumque etiam specificis, & individua mentione, & expressione dignis in praemissis, vel circa ea quomodocumque, & qualitercumque acta, facta, gesta, mandata, Decreta, ordinata, vel disposita, ac forsan in futurum (quod Deus avertat) agenda, facienda, gerenda, mandanda, decernenda, & ordinanda, cum omnibus, & singulis inde quovis modo secutis, &

Præd. Vicarij, & Officiales Jurisdictionem Ecclesiasticam, & spirituales damnablem exercent.

Hujusmodi temeritas libertatem Ecclesiasticam laedit, & fidelium animas in gravissima pericula conjicit.

Pontifex deputationem d. Ministrorum, omniaque acta per eos sequuta, & sequutura declarat irrita, & nulla.

quando-

Et omnia, & singula revocant, & cassant.

DD. Vicario Capitalari, aliisque Officialibus in virtute S. Obedientiae prohibet ne alicuius actum jurisdictionalem ibi exercent sub poenis, prout in rubrica.

Essem poenis afflicto, qui ad Deputatis scienter paruerint, vel auxilium, consilium, vel favorem quovis modo praestiterint.

Beneficiorum sic vacantium collationem, aliarumque poenarum absolutio- nem seu relaxationem S. Sedi specialiter reservat.

A Capitulo d. Metropolitanae Ecclesiae infra octo dies ab obitu Archiepiscopi non fuit provilum de Vicario Capitalari.

Declarat hoc Jus deputandi Vicarium Capitalarem esse devolutum antiquiori Suffraganeo dictae Provinciae, eique statuit decem dies ad illum deputandum.

Designat qualitates Vicarii Capitalaris deputandi.

quandocumque secutus penitus, & omnino nulla, invalida, & inania, frivola, irrita, temeraria, & à non habentibus potestatem damnabiliter attentata, & de facto praesumpta, nulliusque roboris, momenti, & efficaciae esse, & ab initio fuisse, ac perpetuo fore tenore praesentium declaramus, & decernimus, illaque damnamus, & reprobamus, ac ad majorem, & abundantior- em cautelam, & quatenus opus sit illa omnia, & singula quatenus de facto processerunt, revo- camus, cassamus, irritamus, & annullamus, vi- ribusque, & effectu penitus, & omnino vacua- mus in omnibus, & per omnia perinde acsi nun- quam facta fuissent, nec evenissent, neque un- quam fierent, vel evenirent.

§. 4. Quo circa Michaeli, ac Ignatio, & Jo- sepho, aliisque quibusvis laicali auctoritate, ut praefertur nominatis, & deputatis praedictis, & eorum cuilibet in virtute Sanctae obedientiae, ac sub obestatione Divini Judicii, & interminatio- nis maledictionis aeternae, necnon sub excommu- nicationis majoris, & privationis dignitatum, & Beneficiorum Ecclesiasticorum quorumcum- que per eos respective obtentorum, perpetua- que inhabilitatis ad illa, & alia similia, vel dissi- milia quaecumque in posterum quomodolibet ob- tinenda ipso facto absque alia declaratione in- curren. poenis, districte prohibemus, & inter- dicimus, ne nominationis, seu deputationis hu- jusmodi, aliorumque praemissorum vigore ullam jurisdictionem, potestatem, vel auctoritatem Ec- clesiasticam, & spirituales in Civitate, vel Diae- cesi, aut Provincia Caesaraugustana praedictis exer- cere, ullumve actum jurisdictionalem facere au- deant quovis modo, seu praesumant.

§. 5. Eos quoque qui illis, vel eorum alicui scienter in praemissis paruerint, vel auxilium, consilium, vel favorem quovis modo praestite- rint, cujuscumque status, gradus, ordinis, conditionis, praeminentiae, vel dignitatis fue- rint, similibus poenis eo ipso innodamus, & in- nodatos fore, ac dignitates, & Beneficia hujus- modi, quorum privationis poenam propter trans- gressionem praesentis prohibitionis per praefatos quomodolibet incurri contigerit, ipso facto abs- que declaratione vacare, illaque per quoscum- que impetrari posse decernimus, & declaramus; necnon eorumdem Beneficiorum, & dignitatum sic vacantium collationem, provisionem, & om- nimodam dispositionem, ac praefatarum poena- rum absolutio- nem, seu relaxationem nobis, & Romano Pontifici pro tempore existenti dumtaxat specialiter reservamus.

§. 6. Et quia Sede Archiepiscopali Caesaraugustana, ut praefertur, vacante, Officialis, seu Vicarius infra octo dies post mortem Archiepis- copi à Capitulo dictae Metropolitanae Ecclesiae Caesaraugustanae, ad quod ea res juxta Decreta Concilii Tridentini spectabat, constitutus, vel confirmatus non fuit, Jus deputandi Officialem, seu Vicarium hujusmodi juxta eadem Concilii Tridentini Decreta ad Ven. Fratrem Episcopum antiquiorem ex Suffraganeis dictae Provinciae Caesaraugustanae devolutum esse harum serie decla- ramus; ipsique Episcopo Suffraganeo antiquiori terminum decem dierum à die quo praesentium literarum notitiam habuerit computandum, quo durante alicuius qualitatibus per praedicta Con- cilia Tridentini Decreta requisitis praeditum, qui tamen non sit ex illis, qui laicali auctoritate ut praefertur temere, & nulliter deputati fuerunt, aut sic deputatis auxilium, vel favorem in praemissis praestiterunt, vel praestiterint in Officia- lem, seu Vicarium dictae Metropolitanae Ecclesiae Caesaraugustanae quamdiu praesens ipse Eccle- siae vacatio duraverit in officio duraturum, cum omnibus, & singulis facultatibus, quae ejusmodi Officialibus, seu Vicariis de jure, ac juxta Con- cilia Tridentini Decreta hujusmodi competunt,

& deputare debeat, auctoritate Apostolica tenore praesentium statuimus, & assi- gnamus. Quod si idem Episcopus Suffraganeus antiquior Officialem, seu Vicarium hujusmodi intra dictum terminum non deputaverit, lapsa eodem termino jus illum deputandi ad hanc Sanctam Sedem Apostolicam illico devolvatur, ac devolutum esse intelligatur.

§. 7. Ceterum de salute Dominici Gregis pa- terna charitate solliciti, omnibus, & singulis utriusque sexus Christianis, tam Ecclesiasticis, Saeularibus, & cujusvis Ordinis, Congre- gationis, vel Instituti Regularibus, quam laicis harum serie denunciandum, ac ad eorum notitia- m deducendum esse censuimus, praedictos Mi- chaelem, ac Josephum, & Ignatium, aliosque forsan laicali auctoritate, ut praefertur nulliter, & de facto nominatos, & deputatos, nullam jurisdictionem, aut potestatem Ecclesiasticam, & spirituales habere, vel habuisse, nec ullam circa Confessariorum approbationem, Verbum Dei predicandi licentiam, Ecclesiarum, & Lo- corum piorum Visitationem, illorumque regi- men, & administrationem, Causarum cognicio- nem, Officialium, & Ministrorum deputationem, Censurarum fulminationem, & ab eis absolutio- nem, cateraque Forum conscientiae, vel contenti- osum quomodolibet concernentia auctoritatem interponere ullo modo valide posse, nec potuisse, ac proinde eis praesertim significandum esse du- ximus, invalidas esse Confessiones, quas Presby- tery Saeulares, vel regulares vigore licentiae, & approbationis à praedictis Officialibus laicali au- thoritate deputatis concessarum audiverint, & audient in futurum, poenitentisque ab eis ex de- fectu jurisdictionis invalide absolutos fuisse, & fore: invalida quoque esse, & fore Matrimonia, si quae coram Officialibus, seu Vicariis laicali auctoritate, ut praefertur deputatis, aut coram Sacerdote non Parocho, cui licentiam ad id de- derint, forsan contracta fuerint, aut imposter- rum contrahantur; & sic conjunctos debitum conjugale absque mortalis peccati reatu petere, vel reddere non posse: ac pari nullitatis, atque invaliditatis vitio laborare concursus ad Paro- chiales Ecclesias, & concurrentium examina, col- lationesque ipsarum Parochialium per concursus hujusmodi, praetensa auctoritate, seu de man- dato Vicarii, seu Officialis sic auctoritate laicali deputati factos, & facta, ac faciendos, & faciendos, & Provisos de ipsis Parochialibus Ecclesiis intrusos esse, & fore: similiterque invalidas esse, & fore licentias ingrediendi Clausuram Monasteriorum Monialium à Vicario, seu Officiali hu- jusmodi concessas, & concedendas, ac illos, qui ejusmodi licentias usi fuerint excommunicationem per Decreta d. Concilii Tridentini inflictam incurrisse, & incururos esse. Nec posse contra haec allegari, vel praetendi excusationem ex com- muni errore, cum abusus Saeularis potestatis in deputatione Vicariorum, seu Officialium praedi- ctorum fere omnibus generaliter innotuerit, com- munique recte sententiarum horrore, & detestatio- nem reprobatum fuerit, prout illum ab omnibus damnari, & reprobari volumus.

§. 8. Decernentes easdem praesentes literas, & in eis contenta quaecumque etiam ex eo, quod supradictarum Curiae, & Regiae Audientiae Offi- ciales, & Ministri, ac Michael, Josephus, & Ignatius, ceterique Deputati praedicti, & alii quilibet in praemissis, seu eorum aliquo Jus, vel interesse habentes, seu habere quomodolibet praetendentes cujuscumque status, gradus, ordinis, praeminentiae, & dignitatis existant, & alias specifica, & individua mentione, & expressione digni, illis non consenserint, nec ad ea vocati, citati, & auditi, neque Causa propter quas praesentes emanarint sufficienter adductae, verificatae, & justificatae fuerint, aut ex alia quacumque,

Si intra dictum tempus Vicarium ut supra non de- putet hoc Jus voluit S. Sedi devolutum.

Omnibus utriusque sexus Christi- fidelibus denunciat ad Vicarium Capitalarem, aliosque Offi- ciales nullam jurisdictionem habuisse, vel habere.

Actus Juris- dictionis ab eis exercitos tam in foro contentioso, quam conscientiae de- clarat fuisse, esse, & fore nullos, & in- validos quos refert in rubr.

Ingressos, vel ingre- dientes clau- suram Monia- lium cum licentia d. Vi- carii declarat incurrisse, & incururos in Censuras.

Tollit excu- sationem à communi erro- re.

Supplet om- nes defectus.

quantum-

quantumvis juridica, & privilegiata causa, colore, pretextu, & capite etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vicio, seu intentionis nostræ, aut interesse habentium consensus, aliove quolibet etiam quantumvis magno, & substantiali, ac incogitato; & incogitabili, individuumque expressionem requirente defectu notari, impugnari, infringi, invalidari, retractari, & ad terminos Juris reduci, seu in controversiam vocari, aut adversus illas aperiitionis oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se jurare posse.

§. 9. Sed ipsas præsentis literas semper firmas, validas, & efficaces existere, suosque plenarios, & integros effectus fortiri, & obtinere, ac ab omnibus, & singulis, ad quos spectat, & pro tempore quodcumque spectabit, inviolabiliter, & inconcussè observari: Sicque, & non aliter in præmissis per quoscumque Judices Ordinarios, & Delegatos etiam Causarum Palatii Apostolici Auditores, ac S. R. E. Cardinales etiam de Latere Legatos, & Apostolicæ Sedis Nuntios, aliove quolibet quacumque præminentia, & potestate fungentes, & functiones, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

§. 10. Non obstantibus præmissis, ac quantumvis sit Nostra, & Cancellariæ Apostolicæ Regula de Jure quesito non tollendo, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon prædictarum Ecclesiarum, & alius quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus; Privilegiis quoque, Indultis, & literis Apostolicis, quibusvis Personis, etiam quacumque Ecclesiastica, vel mundana dignitate fulgentibus, quomodolibet qualitate, ac Ecclesiis, & locis sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, etiam Motu, scientia, & potestatis plenitudine paribus, ac Consistorialiter, & alias quomodolibet in contrarium præmissorum concessis, ac quantiscumque vicibus confirmatis, approbatis, & innovatis. Quibus omnibus, & singulis etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi acsi de verbo ad verbum nihil penitus omissis, & forma in illis tradita observata exprimerentur, & inferrentur, præsentibus pro plene, & sufficienter expressis, ac insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, ac plenissime, & amplissime derogatum esse volumus, cæterisque contrariis quibuscumque.

§. 11. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici sub-

scriptis, & sigillo personæ in Ecclesiastica dignitate constitutæ munitis, eadem prorsus fides, ubique locorum in Judicio, & extra illud habeatur, quæ haberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 3. Novembris 1674. Pontificatus nostri Anno Quinto.

I. G. Slusius.

Registrata in Secr. Brevium in lib. 5. diversor. fol. 207.

PRO NUNTIO HISPANIARUM.

Facultas deputandi Officiale, seu Vicarium Ecclesiæ Casaraugustanæ Sede Archiepiscopali vacante.

Ven. Fratri Galeatio Archiepiscopo Corinthi apud Charissimum in Christo Filium nuncupatum Carolum Hispaniarum Regem Catholicum, Nostro, & Apostolicæ Sedis Nuntio.

CLEMENS PAPA X.

Ven. Frater Salutem, & Apostolicam Benedictionem.

§. 1. CUM Nos nominationem, & deputationem Doctoris Michaelis Martæ Gomez, & Mendoza in Vicarium Capitularem Civitatis, & Diocesis Casaraugustanæ ad effectum ibidem exercendi Jurisdictionem ordinariam in prima Instantia, & Metropolitanam in gradu appellationis, ac Josephi Peralta in Officiale majorem, & Judicem Metropolitanum præfatarum Civitatis, & Diocesis, ac Provincia Casaraugustanæ, necnon Doctoris Ignatii Cypres in Officiale Causarum piarum, & Judicem Decimarum, & Primitiarum durante præfati Sedis Archiepiscopalis Casaraugustanæ per obitum bo. mem. ultimi Archiepiscopi Casaraugustan. vacatione, aliorumque forsan Officialium ad exercendam Jurisdictionem Ecclesiasticam, & spirituales à Curia Judicis Justitiæ nuncupati, vel Regia Audientia Regni Aragoniæ, seu eorum respective Ministris, sive aliis Judicibus, Magistratibus, vel Tribunalibus laicalibus temerario, destabili auctu factas, cum omnibus, & singulis inde secutis, & secuturis nullas penitus, arque irritas, & invalidas, nulliusque roboris, & momenti esse, & perpetuo fore declaravimus, & decrevimus, illasque damnavimus, & reprobavimus: Et quia Sede Archiepiscopali præfata, ut præfertur, vacante Officialis, seu Vicarius infra octo dies post mortem dicti Archiepiscopi, à Capitulo Metropolitanæ Ecclesiæ Casaraugustanæ, ad quod ea res juxta Concilii Tridentini Decreta spectabat, constitutus, vel confirmatus non fuit, Jus deputandi Officiale, seu Vicarium hujusmodi ad Ven. Fratrem Episcopum antiquiorem, ex Suffraganeis dictæ Provinciæ Casaraugustanæ devolutum esse declaravimus, ipsique Episcopo Suffraganeo antiquiori terminum decem dierum ad faciendam deputationem dicti Officialis, seu Vicarii statuimus, itaut elapso dicto termino, nec facta deputatione hujusmodi, Jus deputandi eundem Officiale, seu Vicarium ad hanc Sanctam Sedem Apostolicam illico devolvatur, & devolutum esse intelligatur, & alias prout in Nostris desuper in simili forma Brevis expeditis literis, quorum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur:

§. 2. Hinc est, quod Nos pro commissa nobis divinitus omnium Ecclesiarum sollicitudine Ecclesiæ prædictæ Casaraugustanæ, illique subiecti

Dat. 3. Nov. 1674. An. 5.

LXIX.

Refert quæ in præcedentibus literis disposuerat.

Decretum irritans.

Contrariis amplissime derogat.

Transumptorum fides.

Domini